



PROBAS SELECTIVAS PARA O INGRESO NA ESCALA TÉCNICA DE ESPECIALISTAS (SUBESCALA INFORMÁTICA) (SUBGRUPO C1) DA UNIVERSIDADE DA CORUÑA, CONVOCADAS POR RESOLUCIÓN DO 14 DE SETEMBRO DE 2023 (DOG DO 22 DE SETEMBRO)

PRIMEIRO EXERCICIO (galego) – 12 de abril 2024

CRITERIOS DE CORRECCIÓN DO PRIMEIRO EXERCICIO

O exercicio avaliarase de forma global, tendo en conta as diferentes partes que o compoñen.

De acordo coas competencias esixidas para o nivel equivalente a Celga 4, establécense os seguintes criterios de corrección para as probas:

Valorarase a capacidade para traducir textos de certa complexidade de forma correcta, clara e adecuada ao interlocutor e á finalidade do discurso

Oralmente, empregarase a lingua de maneira ben estruturada e fluída e demostrarase o dominio dunha serie de recursos lingüísticos que permitan expresarse con claridade sobre unha gran variedade de temas xerais, profesionais e académicos.

A existencia de erros graves pesará negativamente na cualificación.

Nivel Celga 4. Competencias (comprensión oral e escrita) (expresión oral e escrita) Orde do 16 de xullo de 2007 pola que se regulan os certificados oficiais acreditativos dos niveis de coñecemento da lingua galega (Celga) (DOG do 30/07/2007)

1. A persoa que supere o Celga 4 será capaz de comprender unha ampla variedade de textos orais e escritos extensos e cun alto nivel de dificultade.
2. Poderá expresarse de forma bastante fluída e espontánea en distintos contextos comunicativos (persoal, público e académico), sen mostrar moita dificultade para encontrar as expresións máis axeitadas.
3. Será capaz de producir textos ben estruturados e sobre temas de certa complexidade e para distintos fins.
4. Mostrará un uso correcto da norma ortográfica e morfosintáctica, así como dos mecanismos máis comúns de organización e cohesión textual.

Expresión escrita:

- Adecuación. Valórase a resolución correcta da actividade. Débese utilizar un rexistro adecuado e axustar o texto ao formato textual que se pida.
- Cohesión e coherencia. Valórase a claridade expositiva: presentación da información e das ideas de forma clara e organizada. Dominio dos conectores discursivos e da organización dos enunciados. Uso adecuado dos signos de puntuación e das maiúsculas e minúsculas. Coñecemento de siglas e abreviaturas. Emprego das formas verbais e construción de oracións.

Código Seguro De Verificación	88DXlyY+hiVKTzp6jFp0ug==	Estado	Data e hora
Asinado Por	Ángel Fernández Leal	Asinado	10/04/2024 14:33:16
Observacións		Páxina	1/2
Url De Verificación	https://sede.udc.gal/services/validation/88DXlyY+hiVKTzp6jFp0ug==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





PROBAS SELECTIVAS PARA O INGRESO NA ESCALA TÉCNICA DE ESPECIALISTAS (SUBESCALA INFORMÁTICA) (SUBGRUPO C1) DA UNIVERSIDADE DA CORUÑA, CONVOCADAS POR RESOLUCIÓN DO 14 DE SETEMBRO DE 2023 (DOG DO 22 DE SETEMBRO)

PRIMEIRO EXERCICIO (galego) – 12 de abril 2024

- Gramática. Neste parámetro valórase o grao de corrección gramatical, tanto de ortografía como de acentuación, que deberá ser elevado. É preciso demostrar o coñecemento da norma e das estruturas morfosintácticas, o que leva consigo a ausencia de erros morfolóxicos, sintácticos e ortográficos.
- Léxico. Valórase o dominio, a precisión e a riqueza léxica. É preciso, por tanto, empregar estruturas moi variadas e usar un vocabulario correcto, preciso, con ampla gama e coñecemento de termos de linguaxe especializada.

Expresión oral:

- Adecuación. Adaptación á finalidade da comunicación e ao contexto cun rexistro adecuado, sen faltas e sen vacilar. A información ha de ser pertinente.
- Interacción coas persoas interlocutoras. O diálogo desenvólvese, en calquera tipo de contexto e situación, con naturalidade e con eficacia, sen mostrar dúbidas e sen interrupcións.
- Cohesión e fluidez. Presentación da información de forma organizada. Exposición das ideas de forma clara, ben enlazadas, con fluidez, sen carencias ou indecisións.
- Pronuncia e entoación. Pronuncia correcta, con dominio fonolóxico e adecuación da entoación ás intencións comunicativas.
- Gramática. Neste parámetro valórase a corrección morfolóxica e sintáctica. É preciso mostrar un dominio das estruturas morfosintácticas e o coñecemento da norma.
- Léxico. Neste parámetro mostrará dominio, precisión e riqueza léxica. Tamén se valora o emprego de estruturas moi variadas e o uso dun vocabulario correcto.

Código Seguro De Verificación	88DXlyY+hiVKTZp6jFp0ug==	Estado	Data e hora
Asinado Por	Ángel Fernández Leal	Asinado	10/04/2024 14:33:16
Observacións		Páxina	2/2
Url De Verificación	https://sede.udc.gal/services/validation/88DXlyY+hiVKTZp6jFp0ug==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

